

欽定大清會典圖

欽定大清會典圖卷一百七十三

輿地三十五

海州圖


通州圖

大倉州圖

海

州

圖





海州在江甯府東北八百二十里。蘇州府西北一千一百三十里。至

京師一千七百里。領縣二。北贛榆西南。沭陽。海在州東北。北接山東沂州府日照縣界。為贛榆縣及州治東境。南接淮安府阜甯縣界。沭河自徐州府宿遷縣東流入界。經沭陽縣西。左出支津。二。曰新挑河。曰後河。並匯於青伊湖。正渠又南經縣南。折東。六塘河北支自淮安府安東縣來。東北流注之。又東鹽河。即官河。亦自安東縣來。經新安鎮西北。流合六塘河南支來會。是為一。

帆河右出支津曰武障河。合數小水東北經莞  
瀆鎮南響水口北合民便河。至北湖河口入於  
海。正渠又北右出支津合數小渠東北至淮河  
口入於海。正渠經大伊山東。又北至龍王蕩口  
及板浦場西右出支津二歧為數支。並入於海。  
正渠經州治東。善微河上承青伊湖碩項湖水  
及大沙河支津。至新浦口入於海。大沙河自贛  
榆縣西東南流經臨洪鎮歧為二。一注官河。一  
入於海。青口河在縣西北。興莊河在縣北。絡車  
河柘汪河荻水口水在縣東北。並東南流入於


海州東及東北界海西及西南界徐州府南及  
東南界淮安府北及西北界山東沂州府



通

州

圖







通州在江甯府東南五百三十里。蘇州東北二百里至。

京師二千六百九十五里。領縣二。西北如皋、泰興、海在州東北。北接揚州府東臺縣界。為如皋縣及州治東境。南接海門廳界。大江自鎮江府丹徒縣來東南流。經泰興縣西北。西南河自揚州府泰州來南流。注之。又南田家河亦上承西南河水來注之。又南經縣治西。納諸港水。至九圩左。納界河。錯入常州府靖江縣界。復經如皋縣南。張黃港口。龍遊河自縣治南受。南運鹽河水。


南流分數港來注之。又經州治西，受南運鹽河。諸支港河自泰州南流入界，經如皋縣北合。東來一水，南流環縣治，合西來一水支津南出，為龍游河。正渠又東，左納斜港水，至丁堰歧為二。一南流經州西支港，歧出並注於江。一東流為場河，至岔河支港，互通為偏岔河，為新河。為陵河注之者，為後河。統豐利掘港諸鹽場，復西南流至石港場，右分數支環州治南流，注於江。正渠緣范隄東南流，經西亭金沙餘西，餘東呂四諸場，西通西支，注於江南通海門廳界河，入於

海。界河在州東南與海門廳接界。狼山在州南。  
州東及東北界海。西界常州府。北界揚州府。南  
界蘇州府。東南界海門廳。西北界鎮江府。

太倉州圖





太倉州在江甯府東南五百六十里。蘇州府東  
北一百二十里。至

京師二千八百四十里。領縣四。治鎮洋。東南嘉定  
寶山。東北崇明。海在州東北。北接海門廳界。為  
崇明縣東境。曰外洋。崇明縣南寶山縣北曰內  
洋。又南接松江府上海縣界。大江北岸自海門  
廳東南流入界。夾崇明縣而東。其北皆漲沙。施  
翹港會崇明縣境諸水東南流。至十澍入於海。  
大江南岸自蘇州府昭文縣東南流入界。經州  
治北。一水上承蘇州府昭文縣白茆浦水。東北

流注之。又東南七了浦亦自昭文縣來。經州治北直塘南。右出支津為楊林塘水。又東經浮橋南分流注之。又東南至楊林口受楊林塘。塘上承七了浦水南流。經州治北。右出支津二。一南注婁江。一曰新塘港。與正渠並東北流。至西澗營復南通婁江。北合正渠入大江。大江又南至劉河口受婁江。江一曰劉河。自蘇州府新陽縣合顧浦水入界。東北流環州治。七了浦支水南流注之。鹽鐵塘分吳淞江水過練祁塘通橫澗水北流來注之。鯉劉河鎮又東。橫澗塘亦分吳

淞江水自上海縣來。經南翔。過蘊草浜。練祁塘。北流來注之。至甘草鎮。北通茜涇。營水南受。界涇水。至劉河口。注大江。大江又東南。至寶山縣。北練祁口。練祁塘。分顧浦水。過鹽鐵塘。橫滙塘。界涇東流。南通蘊草浜水。又東來注之。又東南。為吳淞口。受吳淞江。江自松江府青浦縣緣界東流。經嘉定縣西南支津。北出曰顧浦。出界注婁江。又東支津。北出曰鹽鐵塘河。又東南。仍錯入青浦縣界。復經嘉定縣南支津。東北出曰蘊草浜。又東南。錯入松江府上海縣界。復經寶山

縣東南北流蘊草浜過橫滙浜左通界涇右通  
江灣浜東北流至胡港來注之又北注大江大  
江過崇寶沙又東南入於海州東及東北界海  
西及西南界蘇州府北及西北界海門廳南及  
東南界松江府

欽定大清會典圖卷一百七十四

輿地三十六

安徽省全圖


安慶府圖

徽州府圖

安徽省全圖一







安徽省全圖二

南

34-18							



安徽省在

京師東南○安徽府為省治○安徽巡撫布政司共治焉○  
統府八州五○安徽府東南徽州府○東北池州府  
甯國府○太平府○廣德州○廬州府○和州○滁州○鳳陽  
府○泗州○西北六安州○潁州府○大江自江西九江  
府東北流入境○經安徽府西南泊湖上承三溪  
河及湖北黃州府接界諸湖連亘而東注之○又  
經治南○皖水出安徽府西北合長河東流注之○  
又東而北○高子河魯王河合為菜子湖南出為  
樅陽江注之○又經池州府治北○貴池水東北流


注之。又經廬州府東南至太平府西。青弋江東  
北流注之。巢湖匯前河水。肥水東出為濡須河。  
注之。又北。姑熟溪二源合。北流會南漪湖。丹陽  
湖水折西注之。又北。經和州東。入江蘇江甯府  
界。滁水出廬州府北。東流經滁州南。亦入江甯  
府界。淮水自河南光州緣界東流。經潁州府西  
南。汝水自河南汝甯府緣界東南流來會。又東  
入境。經潁州府東南。鳳陽府西南。淠水北流注  
之。潁河過河。並自河南陳州府入境。合東南注  
之。又東北。南肥水合安豐塘水。北流注之。屈西

北西肥河東南流注之。又東北渦河亦自河南歸德府來東南流注之。又經鳳陽府治北泗州南。睢河自江蘇徐州府南流入境。經鳳陽府北。潁為楊疇湖。又南為岳家河。合沱河。滄河。東南流注之。又東潼河東南流注之。池河東北流注之。又東潁為洪澤湖。接江蘇淮安府界。新安江出徽州府西南。合橫江水。武林水東流入浙江。嚴州府界。婺江出徽州府西南。流入江西饒州府界。大洪水出徽州府西東南。流亦入饒州府界。落里河二源出六安州西南。西南流入湖北。

黃州府界。東至浙江界。西至湖北界。北及東北  
至江蘇界。南至江西界。西北至河南界。



安慶府圖





安慶府為安徽省治在

京師東南二千七百里。領縣六。治懷甯。西南太湖。宿松望江西北桐城潛山大江自江西九江府彭澤縣來經宿松縣小孤山司南緣界東北流。經望江縣南為古老江口。其右岸為池州府東流縣界。又東經縣東南華陽鎮。受楊溪河。河即古雷江。上源曰三溪河。亦曰二郎河。即古雷水。出宿松縣西北。經縣治西。合二水南流。潞為鮎魚湖。又南為龍宮湖。西為牌湖。為麻湖。為鱧湖。與湖北黃州府黃梅縣接界。復自湖出夾灣。

池山而東。北為上長河。南為下長河。有涇江口。自其南分洩湖水入江西九江府德化縣界。又東至宿松縣東南為大官湖。縣東數水東南流。豬馬。又繞下倉場而東曰茅湖。折北跨宿松太湖望江三縣。白泊湖。欄杆湖。鱗湖。有黑洋河合。止鳳涼亭。荆橋。思常諸河水匯馬。復自警水口東出為楊溪河。至望江縣治南。支津北出為後溪河。正渠經吉水溝南流。合湖水支津分流。注於江。大江又東北受漳湖諸水。水源曰鳳泉。出縣東北鳳棲嶺。曰茗溪。出縣東北大茗山。並東

南流。潞為赤湖。及武昌青草白土諸湖。有石子港水北流。匯馬前長河。雙港上承。後溪河水東北流。亦匯馬。又東為漳湖。湖在望江縣東北。北承皖水。西受棟溝水。東南出支津。注於江。大江又北。經懷甯縣西南。皖口鎮受皖水。水出潛山縣西北。公蓋山東。合桃嶺水。龍潭水。經雙河口。分流。並南。潛水出公蓋山西。合楊村河。下五河。撞鐘河。九山河。經縣西善士坊。南分流。來會。又南。復合。又南。長河。上源曰羊角河。出太湖縣西北羊角山。合銀河。深村河。白沙河。南陽河。大

小湖河棠黎河海會山水小池河晶靈河地靈  
河諸水來會又東南經石牌鎮北右出為棣溝  
河左納塌寨湖水又東分流夾黃成圩左合學  
湖水右通棣溝支津又東分為三支港南分注  
漳湖北納冶湖及石門湖水並東流注於江大  
江折東經省治南其右岸為池州府貴池縣界  
折北經桐城縣治東南受樅陽河河數源並出  
桐城縣東河出縣東北洪濤山曰高子河緣廬  
州府廬江縣界西河出縣東北魯硤山曰魯王  
河合南流為雙河匯於安息湖龍眠河出縣北

龍眠山合桐溪及一水東南流匯於鴨子湖。桂車河出縣西南，挂車嶺二源與鴨子河俱匯於鴨子湖。二湖並南為蟾子湖，為菜子湖。沙河合槎水、黃麻河東流注之。右納一小水，東南出為樅陽河。復瀦為蓮花湖，又南出經大龍灣，折東經樅陽鎮，注於江。大江又東繞欄江磯，其右岸為銅陵縣界。又東受白蕩湖水，水上源為羅昌河。自廬州府廬江縣來南流，與麻埠水並瀦於竹子湖。又南出瀦為白蕩湖。數小水合南流亦瀦焉。又南出為馬船溝，為新開溝。又東出一支。




經湯家溝復分為王家套為楓林河復瀦為陳  
洋湖並注於江大江又北入廬州府無為州界  
濡山在潛山縣西北府南至東界池州府北及  
東北界廬州府西界湖北黃州府西南界江西  
九江府西北界六安州


徽

州

府

圖





徽州府在省治東南五百七十里至

京師二千八百五十里。領縣六。治歙縣。西南婺源。休甯。西北黟縣。祈門東北績溪。新安江上。承率水。即浙江上源。一名浙江。出婺源縣西北率山。北流經休甯縣西祁門縣西南。左合孚溪水。東流復經休甯縣西南。上溪口鎮。折東南。右合浙源。東水迴。溪水五城水。又經下溪口鎮。東北流受橫江水。水出黟縣西北方家嶺。東南流。武林水東流注之。章水南流注之。屈東南。羊棧嶺水南流注之。又經休甯縣西北夾

溪上承黃山水右合黃堆水南流注之。又經縣  
治南而東。左納武洪水。又東南注率水。率水又  
東北。汶水合珮琅水。連嶺水。璜源水。屈北流注  
之。又東北。石門水出歙縣東南。合數水。西北流  
注之。又東北。經府治南。受練江。江上源為大鄣  
水。出績溪縣東大鄣山。西南流。績溪水亦名徽  
水。上承揚之水。東南流注之。折西。經縣東而南。  
廬水。昆水。常水。合東南流注之。是為臨溪。又經  
府治西北。布射水。合富資諸水。豐樂水。合阮溪  
潁水諸水。並東南流注之。是為練江。又經府

治南注於率水。率水又東南為新安江。左合佛  
倫嶺水。右納昌溪水。又東小昌溪老竹水合。西  
南流注之。右納小溝水。又東屈南經街口鎮入  
浙江嚴州府淳安縣界。婺水出婺源縣西北大  
廣山。合莒徑水東南流。經清華鎮北。會浙源西  
水。水出浙嶺。合一小水。經沱口南。沱水合理源  
水。篁邨水南流注之。又西與婺水會。婺水屈南  
經武口。會武漢溪。出休甯縣東南扶車嶺。曰正  
東水。合大鱗水。麻坑水。篁嶺水。西流東北水。合  
數水。與桃源水並南流注之。又西與婺水會。婺

水又南經縣治東西南流。大斂水合小斂水西流注之。又西南桃溪水合考邨水東南流注之。又西左納銀港水。又西南經五福鎮南其左岸為江西饒州府德興縣界。又西南梅源水合船漕嶺水角子尖水南流注之。曹溪上承岨尾水石城山水東南流注之。又西南經曹邨南入德興縣界。濬源水出婺源縣西濬源山合一水西南流經灣頭北入饒州府樂平縣界。長溪出婺源縣北率山南麓西南流入饒州府浮梁縣界。大洪水即古鄱水出祁門縣北大洪山東南流。



經縣治東。屈西南。武陵水合一小水東流注之。  
又南。榔木嶺水西流注之。又西南。大北水合一  
水南流注之。又西南。經倒湖鎮。亦入浮梁縣界。  
小北水合若坑水南流。左納新安水。又東南。屈  
西良木水東南流注之。又西北。亦入浮梁縣界。  
黃山在府治北。府東及東南。界浙江嚴州府。西  
及西南。界江西饒州府。南界浙江衢州府。北界  
甯國府。西北界池州府。東北界浙江杭州府。

欽定大清會典圖卷一百七十五


輿地三十七


甯國府圖

池州府圖

太平府圖

甯國府圖





甯國府在省治東南四百三十里。至

京師二千七百四十五里。領縣六。治宣城。東南甯國。西南涇縣。旌德。太平。西北南陵。句溪亦曰水陽江。二源。東溪曰杭水。自浙江杭州府於潛縣西北流入界。經甯國縣東南。右納孔夫關水。左納千秋嶺水。又西北右納瀉溪水。陳村水。左納千頃山水。屈曲西北。洋丁源水合。苦竹嶺水。東流注之。又西北經縣治東。為東溪。又至五河渡會西溪。西溪一曰徽水。自徽州府績溪縣西北流入界。經縣西南。弋溪水亦自其縣來注之。

折東北考溪合一水西流注之。又東北烏溪合  
丁溪泌溪水東流注之。又北合龍潭水為西溪。  
又東北會東溪二溪合西北流。左納澄清溪水。  
又經宣城縣西南為句溪。又西北右出為雙溪。  
注於南漪湖。又西北宛溪合橫橋湖水北流注  
之。又經府治北右納油榨溝水。又北受南漪湖  
水。湖在府治東。北接廣德州。建平縣界。南為裏  
南湖。雙梗水北流注之。雙溪上承句溪水北流  
注之。復西出為油榨溝。為渾水河。並注句溪。句  
溪又北。左出支津。經稻堆山。合竹塘水。西北流。

合正渠正渠北流經塞口山復分支津東注固城湖又北至水陽鎮北為龍溪一曰水陽河又西北入丹陽湖折西至雁翅斗門南復出兼名丹陽湖南股水其左岸為太平府當塗縣界又西經黃池鎮為黃池河其支津自稻堆山西北流合竹塘水五丈湖及小泊水來會入當塗縣界青弋江上承徽州府黟縣葉村水西北流入界為美溪經太平縣西南左納一小水及江溪水章山北水亦自其縣來注之又北錯入池州府石埭縣界為舒溪復東北流經縣西北穰溪





漣溪水並北流注之。又經縣東北小河口。麻川水合下洋水北流注之。折西經涇縣治西南合溪水。會一水東南流注之。屈東北右納吳什水。花林溪水左納上連溪冷水澗水。又東北會藤溪水。水上源為徽水。自徽州府績溪縣北流入界。經旌德縣治東。霞水亦自其縣來注之。又西北陶環溪合抱麟溪。豐溪東北流注之。又北經縣東南為藤溪。左右各納一小水。又西北會舒溪。舒溪又東北經縣治西南。烏溪水西北流注之。經縣北右納幕溪。又東北琴溪合曹溪。丁溪

洗馬澗水西北流注之。又東北經南陵縣東南為青弋江。右合白洋桓籠考阮諸水。左出為石碗河。又東北右納蕭公橋水。又北經沘灣鎮。右通五丈湖。正渠折西北入蕪湖縣界。小淮河出南陵縣西南呂山。合章水東北流。鸞嶺水西流注之。又經縣治東為東溪。又東北石碗河分支為資福河。合蒲橋河。石溪水西南流注之。屈西復北曰小淮河。又西北復合石碗河支津。又東北與石碗河並入蕪湖縣界。固城湖在府東北。慈溪注之。府東界廣德州。西界池州府。南及西

南界徽州府北及西及界太平府東南界浙江  
湖州府杭州府東北界江蘇江甯府

池州府圖





池州府在省治東一百二十里至

京師二千八百里領縣六治貴池東南石埭西南  
建德東流東青陽東北銅陵大江自江西九江  
府彭澤縣來緣界東北流經東流縣西南其  
左岸為安慶府望江縣界又東北香口河上  
承白洋湖浩家湖場上湖水西流注之又東受  
江口河水水上源為前河出建德縣南分流嶺  
左納小水西北流經東流縣南瀦為湖曰長石  
湖仙人湖南門湖左分注白洋湖西出為江口  
河注於江大江又東北經吉陽鎮右別出為吉

陽河。又北繞姚家洲。其左岸為懷甯縣界。折東經貴池縣西南黃湓鎮。受黃湓河。河上源曰後河。出建德縣東南良禾嶺。西北流。右納石門溪水。西溪水曰張溪河。又西北經東流縣東北。潞為大清湖。東北出為黃湓河。吉陽河水東南流來會。又東北。右通馬踏湖。又東北注於江。大江折北。右通秋浦水。又東北。其左岸為桐城縣界。循古夾洲。右分一支為烏紗夾。受貴池水。水一名貴長池。一名池口河。上源為連溪。出石埭縣西南界大洪嶺。北流折西。右合鴻陵水。左合管




溪水又西。唐邽水出貴池。縣樺根嶺北流注之。屈北而西。經七里鎮為七里河。右納蓬溪水。左納洪水。潭水。又北右納貢溪水。又北經貴池。縣西南為貴池水。龍舒水出縣東南廬子庫山。合棠溪水。屈西流注之。又北馬踏湖水東北流注之。又北貫殷家匯為秋浦水。西通江水。東北出為池口。注於烏紗。受清溪。出縣西南曰洿溪。合南來一水。西北流。右合峽川水。南畝水曰白羊河。潞為齊山湖。又北經府治。東至清溪鎮。亦注於烏紗。夾烏紗。夾復合大江。東北流。受梅根湖。

水湖在府治東北。梅根河亦曰錢溪。出縣東太僕山。東北流。瀦馬。五溪水合黃荆橋水。亦北流。瀦馬。又西北出。為梅根港。注於江。大江又東北。經銅陵縣西南。受大通河。河一曰管埠河。上承甯國府南陵縣社橋水。西流入界。經青陽縣東金山鎮。左納黃藥山水。右納錢家橋水。為管埠河。又西瀦為二十四湖。臨城水出青陽縣南。合雙河水。北流。注之。又西北。經貴池縣東北。亦貫梅根湖。北出。經大通鎮。注於江。大江又北。磬港水出縣南。銅官山西流。注之。又北。經銅陵縣治。

西天井湖水西流為河口河注之。又北左岸為廬州府無為州界。又繞小湖洲章家洲而東入太平府繁昌縣界。饒水出建德縣南逸山。合一水南流。經昭潭鎮龍口水。出縣東南。分流嶺。合數水西流注之。又南入江西饒州府都陽縣界。樹長港水。禪山港水。並出建德縣西。亦南流入都陽縣界。舒溪上承甯國府太平縣美溪水。北流入界。經縣西南河口鎮。東北流。左合小溪河。右合余溪水。又東北船溪三溪水合東流注之。是為舒溪。折東。嶽溪水東南流注之。又東經縣

治南又東入甯國府太平縣界順安河出銅陵  
縣龍口嶺東北流。渚為羊湖。又北左出為東西  
湖水。又北鳳心間河出縣東北鵲頭山。合東西  
湖水東流來會。又東為二港。右合天門水。並入  
太平府繁昌縣界。黃澣河自繁昌縣錯入銅陵  
縣境。北流復入其縣界。九華山在青陽縣西南  
府東及東南界甯國府。西界安慶府。南界徽州  
府。北及西北界廬州府。東北界太平府。西南界  
江西九江府饒州府。

太平府圖




PLAN  
1:100

太平府在省治東北四百九十里至

京師二千四百六十五里領縣三治當塗西南蕪湖繁昌大江自池州府銅陵縣來緣界東北流經繁昌縣西其左岸為廬州府無為州界又東北經荻港鎮受荻港水水上源曰黃澣河自甯國府南陵縣西北流經繁昌縣西南錯入銅陵縣界復經縣西南鳳心間河亦自銅陵縣分流注之又北為荻港注於江大江折北循黑沙洲為蘆蓆夾經舊縣鎮北復合折東循錦衛洲為三山夾合數小水經三山鎮西復合又東受魯



港水一名魯明江。自甯國府分青弋江水為石皖河。緣界北流。經蕪湖縣東南。夫子閣西。至三不管鎮。右通天成諸湖。折西。小淮河自南陵縣北流來會。又北經蕪湖縣南石皖市。右納一小水。屈西南。折北為魯明江。城南河出繁昌縣治西。經治南東流。注于江。大江又北。經蕪湖縣西南。受青弋江。江自甯國府宣城縣北流入界。經方邨西。又西北。左通天成湖。歐陽湖水。又西北。右合鳩茲港水。折西至濮家店南。右出為扁擔河。正渠又西。歐陽湖天成湖上承石皖河支。

津北流注之。又經縣治南而西。注于江。大江又北。其左岸為和州界。右納浣泥港水。又北經府治西。東梁山。至金柱關。受姑熟溪。溪一名水陽江。上承宣城縣句溪。自丹陽湖西南流。經烏溪鎮。又西至黃池鎮。為黃池河。句溪支津自其縣合五丈湖。及小泊水來會。西出支津二繞三里。埂為鴉茲港。為二橫溝。又西北經雙鉤鋪。北出一支津。正渠又西北。環府治而西。扁擔河合烏溪港。二橫溝水屈北流注之。又西北至金柱關。注於江。大江又北。姑熟支津自雙鉤鋪北流合。

丹陽湖北股水折西北經黃山渡西注之。又北受丹陽湖。湖在府東南。與江蘇江甯府溧水高淳二縣接界。唐溝河李家橋水合南流。瀦焉。西南出為南股水。即水陽江。西北出為北股水。並注姑熟溪。自湖東北流出者為新河。經博望鎮東折西。經丹陽鎮南。又西經采石磯南。注于江。大江又東北右納一小水。又東北慈湖港合一。小水注之。又東北入江蘇江甯府江甯縣界。府東及東北界江蘇江甯府。北至西界和州。南及東南界甯國府。西南廬州府。池州府。